



Tuhaqtidjutikhaq

25 nutaat aannialiqitut COVID-19 qalagjuarnirmik, malruuk aanniaqtuk nakuuhijuk

Iqaluit, Nunavut (Hikutirvia 21, 2020) - Ublumi, Nunavunmi attautimut 107-nguqtut ilitturijauhijaujut aannialiqitut COVID-19 qalagjuarnirmik. Tapkuak malruuk aanniaqtuuk Sanikiluarmi nakuuhijuk. 22 nutaat aannialiqitut ilitturijaujut Arviani, nunangani imaatut amigaiqtut ilitturijauhijaujut aannialiqitut 80-nguqtut. Pingahut nutaat aannialiqitut ilitturijaujut Tikirarjuarmi imaatut amigaiqtut attautimut 14 naunaiqtaujujut aannialiqitut nunangani. Aallangungittut amigaitilangit aanniaqtut Kangiqlinirmi.

"Ukuak malruuk aanniaqtuuk Sanikiluarmi nakuuhijuk, tadsa pittailijaujut nunangani atuquqjaujut huli imaalu akhuuqujatka nunaqaqtut Sanikiluarmi amikhimmaarlugit inungnut aanniaqtailinikkut maliqatqajaujut," uqaqtuq Dr. Patterson, Nunavunmi Atanilluaq Nunalaani Aanniaqtailinikkut Havakti. "Puiguqtailitqujatkalu tamaita Nunavummiut taimaatut aanniaqtailinikkut havaktingit iniqqata kihianik aktuqtauhimajunik aanniaqtumit qaujihadjutinginnik imaalu aannialaqidjutit hiamitirningat nutqaqtitaungitpat, amigaitilangit ilitturijauhijaujut aannialiqitut aallanguqattarniaqtut."

"Naunaiqhimangittuq nunangani hiamitiriakhanik nunangini Kangiqlinirmi uvaniluuniit Tikirarjuarmi. Tamaita 107 inuit aanniaqtut COVID-19 qalagjuarnirmik avalingaaqtut imaalu naamainnaqtut, nakuunginnaqtut mihingnautingit qihgikhiurjuangittumik mihingnautingit. Aktuqtauhimajut aanniaqtumit qaujihadjaujut tamainni aktuqtauhimajuni nunallaani aullaranginnaqtuq imaalu inungnut aanniaqtaainrmut havaktingit munaqhijut avalingaaqtitaunuk.

Talvanga Hikutirvia 20, 110 qaujihadjaujut Kangiqlinirmi naunaiqtaujujut aanniarutiqtangittut. Arviani qaujihadjaujut naunairutaujut 210 aanniarutiqtangittut qaujihadjutait. Qaujihadjutait Tikirarjuarmi naunairutaujut 26 aanniarutiqtangittut qaujihadjutait. Munarijauhimmaqtut huli Sanikiluarmi qanurinniariakhainnik.

"Ilihijungu ubluq tamaat amigaitilangit COVID-19 qalagjuarnirmik aanniaqtut Nunavunmi ihumaalungnaqtut, kihimi qurluumajakhaittugut. Takuhimmaarniaqtugut aallanguqattaqtunik aannialiqitut amigaitilanginnik hivituvjaktumut huli," uqaqtuq Hivuliqti Joe Savikataaq. "Nangarijatka Nunavummiut fuukturninganik kajuumilaarahuaqhugu hiamitirninga aannialaqidjutit imaalu qujagitakpiaktatka tamaita ilaujut Nunavni inungnut aanniaqtailinikkut havaktiujujut akhuuqpiakhtuk havakpiakpangmata imaatullu havakpakhtuk nunallaani. Tamapta

